

興仁縣補志
一

地360.151

42.32

31~8

興仁縣補志

貴州省圖書館复制

興仁縣補志複製說明

興仁縣補志三，十五卷，偽縣長葛天乙等修，王仰慕三、霍錄勤三纂輯，初稿成於民國三十二年，無序文及目錄。現據興仁縣檔案館藏初稿本複製。複製時，除據內容擬具目錄外，並據有關史籍作了初步的校勘，凡經刪改、增補之處，均與原文對照，列校勘記於書末，以便讀者參考。

本志成書於抗日戰爭末期，對國民黨反動統治，歌頌備至；對紅軍入黔，則進行污蔑。所有這些，務需批判利用。

興仁縣補志

複製本如有不妥之處，歡迎讀者指正。

承興仁縣檔案館借給藏本，謹此致謝。

貴州省圖書館

一九六六年元月

三原稿中縫題「興仁縣志」，以其內容多係補充民國二十年「興仁縣志」之不足者，經徵得原藏者同意改題。

三據興仁縣檔案館一九六四年九月二十一日來函題名。

三據原稿部分封面及本館所藏貴州方志檔案題名。

興仁縣補志目錄

修纂委員會名單

興仁縣畧圖

大事志

卷一

年紀一 自殷迄晉

卷二

年紀二 自南北朝迄五代

卷三

年紀三 自宋迄元

興仁縣補志

卷四

年紀四 明

卷五

年紀五 清

卷六

年紀六 民國

人物志

卷七

列傳一 鄉宦

卷八

列傳二 民族

卷九

列傳三 德行

卷十

列傳四 忠義

卷十一

列傳五 儒林

卷十二

列傳六

列女

賢明
貞孝

節烈

賦役志

興仁縣補志

卷十三

田賦 役政

食貨志

卷十四

物產

風俗
氣候
附氣

別錄志

卷十五

公牘

興仁縣補志修纂委員會名單

職別	姓名	年齡	籍貫	備考
----	----	----	----	----

主任委員	葛天乙	四二	湖北通城	興仁縣長兼
------	-----	----	------	-------

委員	胡祖述	三八	江西高安	第三區專署秘書兼
----	-----	----	------	----------

	冉晋如	三二	河北高陽	興仁縣黨部書記長兼
--	-----	----	------	-----------

	朱仲堃	六九	貴州興仁	
--	-----	----	------	--

	龍雨蒼	六十	貴州興仁	
--	-----	----	------	--

纂輯	霍錄勤	六一	貴州興仁	
----	-----	----	------	--

	楊純夫	五二	貴州興仁	
--	-----	----	------	--

	龍壽眉	四七	貴州興仁	
--	-----	----	------	--

興仁縣補志

	李觀文	四六	貴州興仁	
--	-----	----	------	--

	張相宜	四八	貴州興仁	
--	-----	----	------	--

	楊景周	四八	貴州興仁	
--	-----	----	------	--


	鄒西樵	四六	貴州興仁	
--	-----	----	------	--

	朱體乾	四二	貴州興仁	
--	-----	----	------	--

興仁縣畧圖

興仁縣補志





興仁縣補志卷一

大事志 年紀一 自殷迄晉

新輯貴州通志稱方志分門類叙條貫為難郭青

螺紹述東萊兼用剡錄縣紀年之例首記大事極

得體要茲襲遵義府志年紀之名擇事之有年可

紀而又不涉瑣細者依次錯列俾一方鉅要統匯

於篇備學古之士考焉

殷

高宗三十二祀伐鬼方次於荆竹書紀年

其後三十四祀王師克鬼方氏羌來賓竹書紀年

興仁縣補志 卷一

按新輯貴州通志前事志託始於殷伐鬼方惟鬼方有北方國及漢先零羌諸釋必有次荆之文然後虞氏註之坤為鬼方不為孤證鑿空故通志兼采後漢西羌傳湯伐鬼方諸文茲從割棄至竹書紀年王師克鬼方條本應竝列為綱茲以其共為一事特加其後二字易為前綱之目藉資條貫惟已非直錄原文後例準此

東周

齊桓公時周莊王十九年牂牁與兵車之會

牂牁殷周舊國遵義府志齊桓公既北伐山戎南伐



楚西為葵邱之會

宰孔告晉獻公語

於是乘車之會九兵車

之會三九合諸侯一匡天下南至吳越巴牂牁岷不

庾雕題黑齒荆夷之國莫敢違命

管子小匡篇

按莫與傳地理考稱管子以牂牁與吳越巴荆並
言則其國必不小惟安順志引作吳越巴牂牁岷
不庾雕題黑齒且稱巴即南巴今即湖南是不庾
即大庾今江西是岷字書無之或當是岷從爪辰
聲即振字之異文今辰州是雕題即八蠻之咳首
與黑齒同今在雲南徼外牂牁近在岷己之旁而
為荆域之內其列於衣裳之會固其宜矣其後蓋

興仁縣補志

卷一

二

屬於楚未註所據何說姑錄備考

報王三十八年

楚頃襄王二十二年秦昭王三十年

楚將莊蹻克夜郎遂

西略地

西南夷君長十數夜郎最大其西靡莫之屬以什數
滇最大皆離結耕田有邑聚皆巴蜀西南徼外蠻夷
也始楚威王時使將軍莊蹻將兵循江上略巴蜀黔
中以西莊蹻者即莊王苗裔也蹻至滇池地方三百
里旁平地肥饒數千里以兵威定屬楚欲歸報會秦
擊奪楚巴黔中郡道塞不通因還以其眾王滇變服
從其俗以長之

史記西南夷傳

名且蘭為牂牁國分侯支黨

傳數百年

華陽國志
遵義府志

案史記秦本紀昭王三十年蜀守若伐取巫郡及江南為黔中郡又六國表楚頃襄王二十二年秦拔我巫黔中郡並當周赧王三十八年太平寰宇記云史記及漢書皆云楚威王時使莊蹻略巴黔以西蹻至滇池欲歸會秦奪楚巴黔中因以其衆王滇後十餘歲秦滅案楚自威王後懷王三十年至頃襄王之二十二年秦昭襄王遣兵攻楚取巫黔中後漢史則云頃襄王時莊豪王滇豪即蹻也若蹻至威王時將兵略地屬楚秦陷巫黔中郡道塞不還凡經五十二年

興仁縣補志

卷一

三

豈得如此淹久或恐史記誤班生因習便書范氏所記詳考為正又莊蹻王滇後十五歲頃襄王卒考烈王立二十五年幽王立十年負剳立五年而楚滅十五年秦亡斯又未之詳也今案樂氏以史漢威王為非而以後書頃襄王為近其說是也考荀子議兵篇故齊之田單楚之莊蹻秦之衛鞅燕之繆蠆是皆世俗之所謂善用兵者也是其巧拙強弱未有以相君者也若其道一也又云楚人鮫革犀兕以為甲鞆如金石宛鉅鐵鈍慘若蠶蠆輕利漂激卒如飄風然而兵殆於垂沙唐蔑死莊蹻起楚分為三四是無堅甲

利兵也其所以統之者非其道故也楊倞註引史記
索隱曰莊躋楚將言其起為亂後楚遂分為四又引
韓子曰楚王欲伐越杜子曰臣患目能見百步而不
見其睫王之兵敗於秦晉莊躋為盜境內吏不能禁
而欲伐越此智之如目也躋初為盜後為楚將原註
楊氏
所引在韓
非喻老篇商子弱民為楚國之民齊疾而均速若輶
風宛鉅鐵鈍利若蠶蠶臂鮫犀兕堅若金石秦師至
鄢郢舉若振槁唐蔑死於垂涉垂涉形
音皆近莊躋發於內
楚分為四垂涉之事商鞅死已久當
是後人襲荀子據入書中韓詩外傳四楚
兵殆於垂沙唐子死莊躋起楚分為三四史記禮書

興仁縣補志

卷一

四

楚兵敗於垂沙唐昧死莊躋起楚分而為四參三書
之文畧與荀同皆言唐蔑死莊躋起而楚地分考史
記楚世家及六國表秦與齊韓共攻楚殺楚將唐昧
取重邱而去在楚懷王廿八年廿九年秦取楚襄城
三十年懷王入秦秦取楚八城頃襄王元年秦取楚
析及十五城分為三四即謂此是莊躋伐夜郎取滇
當以後書頃襄王時為確之明證也至韓非謂楚莊
王欲伐越而杜子舉莊躋為盜境內以止之莊懷之
譌也莊王稱霸事具春秋傳及史記安有喪地秦晉
之事惟懷王十七年與秦戰丹陽秦大敗我軍斬甲

士八萬虜我大將軍裨將軍七十餘人遂取漢中之
郡懷王乃悉國兵復襲秦戰於藍田大敗楚軍韓魏
聞楚之困乃南襲楚至於鄧楚聞乃引兵歸廿年昭
睢又有王雖取地於越不足以刷恥之語在史記楚
世家可見欲伐越而言喪地於秦晉即指十七年事
其為懷王之誤無疑蓋躋在懷王時為盜至頃襄時
起而為將故楊倞曰躋初為盜後為楚將也躋之略
地南中意止在頃襄廿年前後三代用兵未有淹久
至三四年外者特無徵未敢定王世貞云楚有兩躋
一莊王大盜一莊王裔孫將軍平滇自王者此特就

興仁縣補志

卷一

五

史記韓非為說未加鈎稽參證殊無足取考呂氏春
秋介立篇莊躋之暴郢也註莊躋楚成王之大盜又
異用篇跖與企足得飴以開閉取鍵注跖盜跖企足
莊躋也皆大盜人名也以飴取人鍵牡開人府藏竊
人財物也高誘獨以躋為成王時與諸家異蓋緣史
記言躋在威王時承而用之轉寫為威為成耳至後
書之豪呂覽之企足與諸書之躋雖頗歧出實無三
人企足近躋之切音且後書本篇復有滇王莊躋之
後之語呂氏介立亦書作躋而郭子章莊躋考必以
王滇之躋為非盜謂遷固既譌頃襄為威王又惡知

不譌豪為蹻當從范氏莊豪為正馬氏豪即蹻之說
為非此特以正德間雲南欲祠蹻因賈誼賦蹻跼廉
兮李奇注蹻楚之大盜故不果思曲為之護不足辨
也至樂氏謂蹻王滇後十餘歲秦滅且為算年謂未
知其詳考史漢言蹻王滇繼言秦時通五尺道於此
國置吏十餘歲秦滅十餘歲謂通道置吏至秦亡之
年樂氏檢核偶未審馬氏文獻通考亦沿其說

案華陽國志稱南中在昔夷越之地滇濮句町夜
郎侯王國以十數編髮左衽隨俗遷徙莫能相雄
長周之季世楚威王遣將軍莊蹻泝沅水出且蘭

興仁縣補志

卷一

六

以伐夜郎植牂牁繫船於是且蘭既克夜郎又降
而秦奪楚黔中地無路得返遂留王滇池蹻楚王
苗裔也以繫船因名且蘭為牂牁國分侯支黨傳
數百年與前載異者夜郎外有夷越濮句町之可
考耳然興仁自是夜郎無俟深求牂牁之名見於
管子不始於莊蹻之繫船其說不無抵牾惟且蘭
仍名牂牁分侯支黨傳數百年數語足以覘蹻王
滇後此邦形勢故綴於史傳之後

秦

始皇三十三年略取南越地置象郡

南越即百越亦曰揚越

史記漢書注

畢姓與楚同祖

漢書

初始皇既滅六國分天下為三十六郡在始皇二十六年據史記

又利越之犀角象齒翡翠珠璣乃使尉尉即都屠睢發

卒五十萬為五軍一軍塞鐔城之嶺

按鐔城為縣其治在

今廣西龍勝縣境

一軍守九嶷之塞

在今湖南

一軍處番禺

之都一軍守南野之界一軍結餘千之水在今湖南

三年不解甲弛弩使監祿無以轉餉又以卒鑿渠今即

由湖南通廣西之興安渠

而通糧道以與越人戰殺西嘔

一作君

譯吁宋而越人皆入叢薄中與禽獸處莫肯為秦虜

相置桀駿以為將而夜攻秦人大破之殺尉屠睢伏

興仁縣補志

卷一

七

尸流血數十萬

淮南子

三十三年發諸嘗逋亡人贅

壻賈人為兵略取南越陸梁地置桂林南海象郡以

謫徙民五十萬戍五嶺與越雜處

漢書

按史記秦始皇本紀作三

十三年發諸嘗逋亡人贅壻賈人使尉佗將之以戍

越略取陸梁地置桂林象郡以適遣戍百越之君乃

偏首係頸委命下吏文辭小異足資參證

象郡治臨塵去長安萬七千五百里

漢書高帝紀注

其北境沅水出焉

案山海經稱沅水出象郡遵義府志因定今平越

都勻地為古之越地秦之象郡地象郡治在今之

越南而東北兼有平越都勻地則興仁實舉於其

中秦起五軍與南越戰據淮南子雖在貴州境外而越人入叢薄中與禽獸處以後恐即指貴州西南徼外後置象郡諸地而言謫戍雜處此方自不能例外矣

二世皇帝三年秦南海尉趙佗擊併象郡自立為南越武王

佗真定人既略定揚越與越雜處十三歲用為南海龍川令至二世時南海尉任囂病且死召佗語曰聞陳勝等作亂秦為無道天下苦之項羽劉季陳勝吳廣等各共興軍聚衆虎爭天下中國擾亂未知所安

興仁縣補志

卷一

南海僻遠吾恐盜兵侵地至此吾欲興兵絕新道

蘇林

云即秦所通越道

自備待諸侯變且番禺負山險阻南海東

西數千里有中國人相輔此一州之主也可以立國郡中長吏無足與言者故召公告之會病甚即令佗代行南海尉事囂死盜兵且至佗急絕道聚兵自守因漸以法誅秦所置長吏以其黨為假守秦已破滅佗即併桂林象郡自立為南越武王其後漢高帝時佗自號為南越武帝高后崩佗又以兵威邊財物賂遺閩越西甌駱役屬焉東西萬餘里迺乘黃屋左纁稱制與中國侔孝文帝元年以陸賈為太中大夫往

使南越讓佗佗甚恐為書稱謝去帝制然居國竊號如故至武帝建元四年卒佗孫胡為南越王史記南越尉佗傳

漢

武帝元光五年通南夷置犍為郡通鑑夏發巴蜀卒治

南夷道漢書武帝紀

初秦始皇二十七年治馳道史記始皇本紀東窮燕齊南極

吳楚江湖之上濱海之觀畢至道廣五十步三丈而

樹厚築其外隱以金椎樹以青松漢書賈山傳南夷諸國

頗置吏焉史記南夷傳常漢書作畧通道於延江即今

興仁縣補志

卷一

九

江以北其處險阨故道纔廣五尺參漢史正義及漢書師古注

漢武帝建元六年八月大行王恢擊東越殺王郢恢因

兵威使番陽令唐蒙風指曉南越漢書越南越食蒙

枸醬枸樹似桑實長二三寸味酸取其實為醬蒙問所從來曰道西北牂

牁江江廣數里出番禺城下蒙歸至長安問蜀賈人

賈人曰獨蜀出枸醬多持竊出市夜郎夜郎者臨牂

牁江江廣百餘步足以行船南越以財物役屬夜郎

西至桐師然亦不能臣使也蒙乃上書說上曰南越

王黃屋左纁地東西萬餘里名為外臣實一州主也

今以長沙豫章往水道多絕難行竊聞夜郎所有精